



## 2024 - MONUMENTPARK KLEUTERSKOOOL ALGEMENE INLIGTING, INSKRYWINGSVORM, REÛLS EN REGULASIES

Monumentpark Kleuterskool bied aan u kind 'n stimulerende en interessante omgewing wat sorgvrye spel bevorder. U kind se verbeelding word vrye teuels gegee en sodoende word kreatiewe idees, oplossings en benaderings gevorm en bemagtig u kind homself speel-speel. Die speel fase van enige kind se ontwikkeling is van kardinale belang. Die gesindheid en gesag van die ouerhuis word hier uitgebou en aangevul en so word 'n tweede tuiste vir u kosbaarste besitting geskep waar hy of sy altyd die belangrikste is.

Ons volg die Suid-Afrikaanse Nasionale Kurrikulumraamwerk.

ELDA'S OF VLOA'S:

- \* Welsyn
- \* Identiteit en Samehorigheid
- \* Kommunikasie
- \* Kreatiwiteit
- \* Kennis en begrip van die wêreld.

Die dagprogram sluit die volgende in:

- Bybelonderrig
- Kuns-en hand aktiwiteite
- Bak en brou, verf, teken en collage
- Omgewingsleer en wêreld-oriëntering
- (Persepsie, kennisuitbreiding)
- Natuur- en belangstellings borde
- Taalontwikkeling (Stories, gedigte, poppespel, tweedetaal)
- Sang, Musiek en Bewegings aktiwiteite
- Roetine-aktiwiteite (Aankoms, toilet roetine, opruim, etenstye, rustyd, vertrek)

Die Kleuterskool program is egter nie absoluut of rigied nie en is baie buigbaar om sodoende informele opvoeding op 'n menslike en persoonlike wyse aan te bied.



Monumentpark Kleuterskool is 'n opvoedkundige sentrum wat geregistreer is by die Onderwys Departement sedert 1979. Ons is ook by Departement van Sosiale Ontwikkeling, Departement van Onderwys sowel as by Departement van Gesondheid.

Ons het ruim speelkamers met voldoende opvoedkundige apparaat en ruim speelgrond met al die nodige klim-en-klouer apparaat.

Die personeel is ervare opgeleide onderwyseresse met jare onderwys ondervinding wat die kinders individuele aandag gee in 'n liefdevolle omgewing.

### TOELATINGSBELEID

- Kinders van 3 maande tot 5 jaar word toegelaat.
  - Die voertaal en onderrigmedium is Afrikaans.
  - Christelike beginsels word aanvaar en toegepas in die opvoeding van u kind.
- skoolgeld (wat jaarliks deur die skool vasgestel word), is maandeliks **vooruitbetaalbaar**

### U ONTVANG 'N BETAAL KOEVERT WAARIN U MAANDELIKS TEKEN EN WEER SKOOLTOE STUUR

**SLEGS!**

**R3 590** | 3 maande - 3 jaar.

**R3 490** | 3 - 5 jaar.

DAGFOOI: R180.00  
 FOOIE GELDIG 01/01/2024 - 31/12/2024  
 INSKRYWINGS FOOI EENMALIG: R600

**6:45 - 17:30**

ALLE ETES WORD INGESLUIT

KONTAK SUE NOLTE BY: 073 649 9739  
 sue.nolte78@gmail.com  
 Steenboklaan 48 Monumentpark.  
 www.monumentparkkleuterskool.co.za

### EENMALIGE INSKRYWINGSFOOI **R500 per kind** KLEUTERS (3 – 5 jaar)

R3490 p/maand (12 maande Jan - Des)  
 Slagorkes-lede (5 jariges) = R90-00 p/maand

### BABAS & PEUTERS – NOG OP DOEK

3 MAANDE – 3 JAAR

R3590 per maand

DAGBESOEKERS: KLEUTERS EN BABA'S

R180 per dag – Faktuur sal laaste dag van die maand gestuur word

### Enmalige skryfbehoeftes per jaar fooi

1 – 2 jarige	R250 p/jaar
2 – 3 jariges	R300 per jaar
4 jariges (grade RRR)	R400 per jaar
5 jariges	R500 per jaar

Betaalbaar teen Maart 2024



- Registrasiefooi van R500 per kind **Enmalige bedrag** - Bedrag is nie terug betaalbaar nie.
- (Bedrag word vir administratiewe fooie aangewend)
- **Skoolgelde moet voor of op die 3de dag van elke maand betaal word.**

## **SKOOLGELDE – ONTBYT / MIDDAGETE / VERVERSINGS INGESLUIT**

### **Bankbesonderhede:**

**Rekening houer:** Monumentpark  
kleuterskool

**Bank: ABSA - Tak:** Menlyn – Tak kode:  
**630 745**

**Rekening nommer:** **404 326 4045**

- Een kalendermaand se skriftelike kennisgewing word vereis indien u kind tydens die maande Januarie tot Oktober wil onttrek. **GEEN KENNISGEWING VAN ONTTREKING SAL AANVAAR WORD VIR DIE MAAND NOVEMBER NIE. ALLE FOOIE IS VOORUITBETAALBAAR VOOR OF OP DIE 3DE VAN ELKE MAAND.**
- Boetes sal teen 15% gehef word op fooie wat na die betaaldatum nog uitstaande is. Alle fooie is betaalbaar - al is u kind afwesig as gevolg van siekte of vakansie. 'n Gewone maand se skool fooi is betaalbaar vir die maand van Desember indien julle nie 'n 11 maande opsie kies nie.
- Indien daar nie 'n maand kennis gegee is nie moet een volle maand se skoolgeld betaal word.
- **INDIEN DIE SKOOLGELD VIR 1 MAAND NIE BETAAL IS NIE, SAL DIE KIND TOEGANG TOT DIE SKOOL GEWEIER WORD.** Ons het beperkings op die hoeveelheid kinders wat ons per klas mag huisves. Die skoolhoof sal julle persoonlik kontak i.v.m. agterstallige skoolgelde.





- Betalingsbewyse van transaksies wat deur die internet gedoen word, moet binne 24 uur na afhandeling van die oorbetalings aan die skool gestuur word in die betalings koevert word en die oorspronklike dokument moet op aanvraag getoon word. Of epos na sue.nolte78@gmail.com.
- Die skoolgeld bly ten volle betaalbaar, selfs al sou die kind om enige rede nie die skool kon bywoon nie.

### **KLEUTERSKOOOL URE Maandae tot Vrydae**

- Voldag: **06:45 – 17:30**
- Die Kleuterskool is naweke en vakansiedae gesluit asook tydens **enkel werksdae wat val tussen 2 vakansiedae.**
- Die Kleuterskool is tydens die Kersseisoen gesluit vanaf die 15de Desember om 13:00 ons heropen 2de week in Januarie .
- Geen kinders sal voor 06:45 ontvang word nie.
- Alle kinders moet by aankoms in die sorg van 'n personeellid gelaat word in die klas.
- Indien die kind by die kleuterskool in die oggend of vroeër afgehaal word, moet die betrokke onderwyseres of enige ander personeellid op die terrein of in die kantoor daaromtrent ingelig word.
- **Indien skoolure oorskry word sal 'n boete van R50-00 per (15 minute), of enige gedeelte daarvan, gehef word.**

Geen kind is verplig om elke dag die klas by te woon nie. Hoewel onnodige onderbreking die opvoedkundige program beïnvloed, is die kleuterskool program buigbaar. Graag wil ons toesien dat die kleuterskool 'n informele karakter behou waar die kind op 'n menslike en persoonlike wyse benader word.

- Kinders moet slegs deur 'n verantwoordelike persoon afgehaal word soos gereël.

### **KENNISGEWING**

- Die skool moet voor 09:00 in kennis gestel word, indien die kind vir 'n dag/dae afwesig sal wees. Skakel die kantoor of stuur 'n WhatsApp / SMS boodskap na u kind se onderwyseres.
- Les voorbereiding word gedoen.
  - Die skool moet in kennis gestel word indien enige omstandighede by die huis of by die skool die kind se gedrag kan beïnvloed.



- Indien u kind 'n arbeidsterapeut, fisioterapeut ens. besoek, moet 'n afskrif van enige sodanige verslae tot die skool se beskikking gestel word vir insae. **Ons het op perseel per afspraak; fisioterapie, arbeidsterapie en spraakterapie.**
- **Die skool moet in kennis gestel word indien enige verandering van adres, telefoonnommers of geneesheer sou plaasvind.**

#### **ETENSTYIE - Die volgende etes en verversings word bedien.**

- Ontbyt: 08:10 Mieliepap, hawermoutpap word afgewissel
- Verversings: 10:00 Rooibostee / sap / water en toebroodjies
- Middagete: 12:00 Spaghetti & maalvleis, hoender gereg met rys en pampoen, macaroni & kaas, maalvleis en rys, groente sop, vis / hoender happies en kapok aartappels met komkommerlaai, vars wortelslaai ens.) vrugte soos dit in seisoen is.
- Verversings: 15:00 Sap / tee en toebroodjies met vrug

#### **MEDISE VERSORGING**

- **Geen kind wat siek is mag skool toe gestuur word. Indien U kind se koors bô 37.4 is gaan kind aan u terug versorg word en U kan U Dr raadpleeg.**  
Personeel aanvaar geen aanspreeklikheid vir die toediening van medikasie, tensy dit duidelik gemerk en in die medisyne bak geplaas is nie (nie in die tas nie). Elke klas het een. Kontak u kind se juffrou en dui daarop aan dat medikasie toegedien moet word.
- Tyd van toediening en hoeveelhede moet in die medisyne boek in elke klas ingeskryf word of via WhatsApp gestuur word
- Geen vitamien aanvullers en setpille word deur personeel toegedien nie.

**Wanneer die ouers telefonies in kennis gestel word van 'n siek kind, moet die kind so gou as moontlik afgehaal word.**



**Die ouers moet toestemming gee dat, indien een of albei ouers nie bereik kan word nie, Monumentpark Kleuterskool of sy gevolmagtigde die volgende mediese besluit(e) mag neem, selfs al het dit finansiële implikasies vir die ouers, ten opsigte van mediese onkoste.**

- verkryging van mediese hulp of dienste;
  - vervoer van die kind na 'n plek waar mediese hulp en/of dienste beskikbaar is;
  - die gee van toestemming vir die toediening van enige medikasie soos deur 'n geneesheer aanbeveel; die verlening van toestemming vir narkose.
- U word versoek om nie u kind met 'n aansteeklike kindersiekte of enige ander aansteeklike siekte na die skool te stuur nie. Die betrokke dokter moet asb. 'n brief aan die skool uitreik om aan te dui watter aansteeklike siekte die betrokke kind het. Daarna kan ander ouers in die betrokke klas eers in kennis gestel word.
- **Enige kinders met kopbeserings of koors se ouers sal gekontak word en die kinders moet afgehaal word by die skool.**
  - **Kleuters met kopluse sal nie in die kleuterskool toegelaat word nie aangesien dit ander kinders mag besmet.** Dit kom algemeen by alle skole in Pretoria voor.
  - Dit is u verantwoordelikheid om u kleuter se hare gereeld te was en te ondersoek. Die hare sal gereeld by die skool ook ondersoek word en u sal in kennis gestel word indien u kleuter se hare besmet is. Gewoonlik is dit vir ons ouers 'n groot skok as hulle die eerste keer hiermee te doen kry, maar u moet glad nie sleg voel nie.
  - Gaan besoek u naaste apteek en hulle sal vir u die nodige informasie gee. Dit is baie maklik oordraagbaar en volgens navorsing hou luse van blink gladde hare.
  - Ons het regtig nie by die kleuterskool 'n las van luse nie, maar ouers moet asseblief saamwerk en dadelik optree indien u kleuter dit kry.
  - **Ons terrein is opgedeel waar elke klas van Donderdag – Donderdag op 'n terrein speel wat dit gerieflik maak vir kinders om met verskeie apparaat te kan speel.**





Hiermee is die hoeveelheid dae wat kinders tuis moet bly met aansteeklike siektes. **Lees dit asb.**

OORDRAAGBARE SIEKTES	TERUGKEER NA SKOOL
Duitse Masels (Rubella)	1 week nadat uitslag verskyn
Hepatitis A	7 dae na verskyning van geelsug
Kinkhoes	3-6 weke na aanvang
Luis infestasië	Na algehele reiniging en verwydering van kop, liggaam en klere (nete en luise)
Masels	Na die volle periode van siekwees en uitslag verby is
Breinvliesontsteking	By voorlegging van 'n geneeskundige sertifikaat
Pampoentjies	Vanaf aanvang van simptome totdat swelling weg is
Skabies	24 uur na behoorlike en effektiewe behandeling
Maagkoors/Rotavirus	By voorlegging van 'n geneeskundige sertifikaat of totdat diarree heeltemal opgeklar het
Waterpokkies	Nadat laaste rofies verdwyn het
Witseekeel	By voorlegging van 'n geneeskundige sertifikaat
Diarree met koors	Nadat toestand heeltemal opgeklar het
Oog infeksies – insluitende "Pink eyes"	Nadat infeksie heeltemal opgeklar is
Hand-voet-mond virus	Nadat blasies opgedroog het
Baba masels	Nadat uitslag verdwyn het $\pm$ 3 - dae.



## ADDISIONELE KLASSE

Die volgende klassies sal deur buite personeel aangebied word na gelang van die belangstelling: Die nodige vorms moet ingevul word: informasie word via WhatsApp aan ouers gestuur om die regte aktiwiteit vir julle kind te kry.

Rugby, Krieket, Ballet en dans (Dance-mouse), Gimnastiek (Rey's), Swem, Phyz Ed sports, Bee Sharp Musiek, Wiskunde

**Vir verdere inligting doen asseblief navrae by die kantoor of die betrokke onderwyser.** Demonstrasie dae word in Januarie gehou en klasse word eers vanaf Februarie aangebied.

## ALGEMEEN

- **Geen eetgoed mag na die skool gebring word nie.** Die skool verskaf alle kos tensy u kind allergies is vir sekere kosse.
- Indien die kind verjaar of die skool verlaat moet vooraf toestemming verkry word om lekkernye klas toe te bring by julle kind se onderwyseres – Asb. moenie te veel lekkers stuur nie.
- Geen speelgoed mag saamgebring word skool toe nie, tensy 'n onderwyseres 'n spesiale versoek in die verband rig
- Indien daar enige van die skool se speelgoed by julle huis ontdek word, moet dit asseblief teruggebring word na die skool.
- Alle verlore goedere sal by die skool bewaar word vir identifisering en opvraging.
- Alle besittings (klere, skoene, ens.) moet duidelik gemerk wees.
- Geen spelery of kattedekwaad word in die toilette toegelaat nie.
- Geen vuil taal word toegelaat nie.
- Ons versoek graag dat ouers die vertroulikheid van ander sal respekteer (moet asb. nie ander kinders, ouers of personeel bespreek nie).
- Indien julle enige gedagte of klagte wil deel, praat asseblief met die skoolhoof. Indien die skoolhoof nie beskikbaar is nie, stel gerus die kantoor skriftelik in kennis via epos [sue.nolte78@gmail.com](mailto:sue.nolte78@gmail.com)





## WAT KINDERS MOET SAAMBRING SKOOL TOE

### **BABAS/PEUTERS**

#### **Slegs een keer:**

- Een baba sepie
- Een nuwe waslappie
- Twee nuwe borslappies
- Een groot nuwe toedraai kombersie

#### **Elke Maand**

- En doos snesies (tissues) per maand) – Help asseblief veral in die wintermaande)

#### **Daaglik**

- Twee stelle skoon klere, duidelik gemerk
- 'n Groot genoeg rugsak of baba sak, duidelik gemerk
- Trui of baadjie vir ingeval die weer sou verander
- Plastieksak vir vuil klere
- Vyf (5) weggooidoeke
- Boudjie salf
- 2 bottels reeds aangemaak vir die oggend, res van die bottels kan slegs met gesteriliseerde water gestuur word en melkpoeier in houertjies, wat aangemaak kan word soos nodig, duidelik gemerk; bottels sowel as proppe moet duidelik met naelpolitoer gemerk wees. Die personeel was self die bottels en plaas dit terug in die kind se tas. (Behalwe as die baba/peuter minder gedrink het en die mamma dit moet weet.
- **Kombersie en kussing, duidelik gemerk, komberse word Vrydae huis toe gestuur om gewas te word. Stuur asb. weer Maandae terug skooltoe.**
- "Baby Wipes"
- ***Dit staan ouers vry om speelgoed bv. mobile ens. vir u baba se bedjie te bring. Die speelgoed moet ook asseblief gemerk word en dit bly in die baba se bedjie waarin hy/sy slaap***



## KLEUTERS

- 'n Groot genoeg tas of rugsak, duidelik gemerk
- Weekliks 'n kombes wat Vrydae huis toe gestuur word om gewas te word. Stuur asb. Maandag weer skooltoe.
- Een stel skoon klere, duidelik gemerk (4-5 jariges) twee stelle vir die kinders 2 – 4 jaar
- Trui of baadjie vir ingeval die weer sou verander.
- Ons matrassies is van 'n baie hoë gehalte en ingevoer. Elke kleuter het sy eie matrassie met 'n slopie wat weekliks gewas word.
- Groot doos tissues en 'n houër vloeibare hand seep
- Aan die begin van elke jaar sal daar van u 'n bedrag gevra word vir die aankoop van kryt, ponol gom, boekies met hulle temas en versies, afgerolde werkstukke asook werk boekies.

## VEILIGHEID

- Monumentpark kleuterskool het goeie sekuriteit \* Gekoppel met beheerkamer & 24 uur reaksie eenheid. CSI sekuriteit. Alle klasse het paniek-knoppies.
- Die skool het 16 kameras op die perseel.
- Ons het 'n sekuriteitswag wat daagliks aan diens is met 'n twee-rigting radio.
- Ons hek het 'n kode op die hek vir sekuriteit.
- **Moet onder geen omstandighede vir u kind die kode van die hek gee nie.**
- Hou asseblief alle hekke toe en moet nooit vreemde kinders sonder hulle ouers se toesig saam met u uitlaat nie.
- Moet asb. nie vir ander ouers of besoekers (wat nie die kode het nie) die hek oopmaak of ophou nie.
- Moet asseblief ook nie vir die kinders deur die heining lekkers gee nie.
- Moet asseblief nie die hoofingang na die skool blokkeer wanneer u kinders op- of aflaaï nie. Laai u kind af en maak 'n afspraak om u kind se juffrou te spreek.



- Daar is kinders op die parkeerterrein in spits tyd, ry asseblief versigtig wanneer u by die ingang inkom. Hou asseblief die kinders se handjie vas op die parkeerterrein, aangesien dit gevaarlik kan wees tussen die motors.

**Wees asseblief bedagsaam met u spoed. Let op na ander motors wanneer u die deure oopmaak en wanneer in of uit die parkeerterrein beweeg om nie ander motors te beskadig nie.**

**Indien 'n kind deur iemand anders, afgehaal word is die prosedure soos volg:**

Indien enige ander persoon deur die ouers gemagtig word om kinders by die skool af te haal, moet die ouers 'n formele reëling telefonies of via WhatsApp / briefie met die kantoor of onderwyser tref en daar moet aangeteken word. **Moet asb. nie briewe in kinders se tasse sit nie.**

#### **Inligting benodig:**

- Naam en klas van kind wat afgehaal word.
- Naam, van en ID nommer van persoon wat die kind kom afhaal.
- Datum en tyd wanneer kind afgehaal word.
- Wanneer kind afgehaal word:
- Persoon moet sy/haar ID dokument toon aan betrokke personeel.
- As gevolg van bogenoemde prosedure, mag geen minderjarige kind 'n kleuter kom afhaal nie.

#### **SOSIALE MEDIA**

Die doel van Monumentpark Kleuterskool se Facebookblad is om die kommunikasie met ouers, personeel en vriende uit te brei en aktiwiteite wat by die Skool plaasvind te deel. Enige menings en kommentare wat deur gebruikers en die aanlyn gemeenskap op die Skool se sosiale media platforms, insluitende die Facebook blad gemaak word, is die menings en kommentare van die gebruikers self en reflekteer nie noodwendig die siening van die Skool, die personeel of die eienaars nie.

**Alle Facebook blad gebruikers is persoonlik verantwoordelik vir die inhoud van hulle plasings en die Skool, personeel of eienaars is nie verantwoordelik vir die inhoud daarvan nie.**





Dit word van gebruikers verwag om respekvol, beleefd en op 'n professionele manier te kommunikeer. Enige onvanpaste kommentaar, insluitend maar nie beperk tot negatiewe, diskriminerende, teistering, kru taal, rassistiese of beledigende kommentaar teenoor die Skool, sy leerders, personeel, eienaars of ouergemeenskap, is ontoelaatbaar en die Skool behou die reg voor om op eie diskresie sulke kommentaar van die blad te verwyder.

Die voorafgaande sluit ook plasinge in wat nie met die visie en missie van die Skool verband hou nie. Gebruikers wat hulle aan die voormelde oortredings skuldig maak, kan strafregtelik vervolgt word.

Alhoewel die Skool alle redelike pogings aanwend om die inhoud van die Facebook blad te monitor, word nie alle plasinge noodwendig gemonitor nie en kan die Skool nie altyd dadelik reageer op die aanlyn versoek om inligting of om ongewenste plasinge dadelik te verwyder nie.

Indien u enige probleem of klagte het word daar van u verwag om dit persoonlik met die hoof of personeel op te neem en nie sosiale media nie bv. Facebook en WhatsApp, te gebruik as a manier om klagte aan te spreek nie.

Deur plasinge op sosiale media en die Skool se Facebook blad / WhatsApp groepe te maak, aanvaar die gebruiker dat die inligting aan die algemene publiek beskikbaar is en dat ander gebruikers hierdie inligting buite die beheer van die Skool kan gebruik.

Indien u nie wil hê dat die inligting wat jy beplan om op sosiale media te plaas, deur ander gebruikers gebruik, gepubliseer, gekopieer of uitgedruk mag word nie, moet asb. dan nie enige plasinge op sosiale media maak nie. (vind asseblief hiermee aparte toestemmings brief wat geteken moet word)

## VRYWARING EN AANSPREKLIKHEID

Alle voorsorgmaatreëls word getref om die veiligheid van die kinders te verseker. Die eienaars van die skool en personeel aanvaar geen verantwoordelikheid vir:

- Enige skade wat mag voortspruit uit liggaamlike beserings van u of u kind nie of siektes.
- Enige verlies van of skade aan persoonlike eiendom van u of u kind nie.



- Indien daar enige 3de party eis voortspruit uit enige moontlike ongelukke, sal die werknemer wat namens die skool optree, nie vir die koste van sodanige eis aanspreeklik gehou word nie.
- Enige persoon wat die skoolgrond betree doen dit op hulle eie risiko.
- Parkering en inrit word op eie risiko gebruik en die skool en personeel aanvaar geen verantwoordelikheid vir enige skade of insidente nie.

### **Daar moet oop en eerlike kommunikasie tussen die huis/gemeenskap en die skool wees:**

Kinders sal eers **06:45 ontvang kan word** en slegs by die boonste hek waar ons die kode indruk.  
**Geen kind wat siek is mag skool toe gestuur word nie**

### **SKOOLFONDS:**

Skoolfonds is 'n maand vooruit betaalbaar en 'n registrasiefooi van R500 is betaalbaar om u kind se plek te verseker. \*Onthou asseblief om die nodige vorm in te vul en te teken en kantoor toe te stuur.

**Onderwysers moet asb. nie gedurende die dag onnodig gepla word met WhatsApp boodskappe en oproepe nie. Onderwysers het ook gesinne tuis.**

Die fokus is u kind se veiligheid en algehele geluk.

### **REG VAN TOEGANG WORD VOORBEHOU**

Baie dankie vir u sorgsame samewerking en lojaliteit aan die skool.

*S S NOLTE*

Sue Nolte

**Skoolhoof**

012 460 4176 / 073 6499 739 / [sue.nolte78@gmail.com](mailto:sue.nolte78@gmail.com)

Steenboklaan 48, Monumentpark, 0181

[www.monumentparkkleuterskool.co.za](http://www.monumentparkkleuterskool.co.za)

Facebook: "Monumentpark Kleuterskool Groep"

Nood Nommers: Sue 073 6499 739 / Lynette 082 452 4607